



Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De Paulo Constantinopolitano episcopo. Cap. V.

urn:nbn:de:hbz:466:1-12704

THEODORITI HISTOR.

De secunda Beati Athanasii relegatione, & Grego-
rij tum ordinatione tum morte. CAP. IIII.

HIS & similibus rationibus cum leuem in primis & flexibilem Constantij animum oppugnassent, persuadere ut Athanasius ecclesia pelleretur. Athanasius autem, intellectis eorum insidiis, clam se subduxit Alexádia, & recta in Occidentem contendit. Etenim Iulium episcopum, qui tum Romanam rexit ecclesiam, Eusebiani de criminibus, quæ falso contra Athanasium confinxerant, per literas certiorem fecerant. Ille ecclesiæ canonem secutus, & eos iussit Romam venire, & diuinum Athanasiū, quo profse in iudicio ipse responderet, vocauit. Qui vt primum fuit accersitus, eò mature contendit. Tragedie autem autores Romam ideo non sunt profecti, quod intellexerunt sua mendacia manifestò fore deprehensa. Qui vbi oves gregis Alexandrini pastore destitutas vident, quendam nomine Gregorium, lupum videlicet in locum pastoris, substituunt. Qui ad sex annos multo maiore crudelitate, quæ agrestes belluae, in gregem vsus tandem à suis ipsis ouibus misere extinctus fuit, debitasq; suæ improbitatis pœnas persoluit.

De Paulo Constantinopolitano episcopo. CAP. V.

AThanasius vero ad Constantem accedens (Constantinus enim filius Constantini natu maximus, in bello interemptus erat) de factionis Arianæ insidiis conqueri, bellum contra fidem apostolicam excitatum lamentari, & tum patris, tum magni concilij Nicæni, quod ille conuocauerat, eum in memoriam reducere cœpit: quinetiā decreta patrum, quibus ille vna interfuerat, ab eo lege confirmata fuisse. Talia cum gemitu & lachrymis apud Constantem Imperatorem elocutus, eum ad patrem æmulandū excitauit. Nam simul atque ista audiuit, literas scripsit ad fratrem, quibus eum hortabatur, vti hereditatem pietatis paternæ integrum in uiolatamq; seruaret. Illum enim imperium pietate stabiliuisse, tyrannos, qui Romanos opprimerant, profligasse, & Barbaros vndique in suam potestatem redegisse. Quibus literis persuasus Constantius, mandatum dedit

dedit, ut episcopi tum Orientis, tum Occidentis Sardicā, quæ est in Illyria vrbs gentis Daciæ primaria, aduentarent. Nam aliis multis morbis vexabatur ecclesia, ad quos curādos concilium necessario requirebatur. Etenim Paulū, episcopum Constantinopolitanum, qui pro Sana doctrina se periculis offerebat, Ariani, tanquam seditionis authorē aducem accusabant: aliaq; nonnulla ei obiectabant crimina, quæ per calumniā pietatis præconibus inferre solebant. Verūm populus veritus aduersiorum infidias, hunc Paulum Sardicam id temporis proficiſci non sinit. Paulo autē post Constantius Imperator, cuius animus facillimē huc illuc impellebatur, Ariorum suau Paulum Constantiopolis exturbauit, & ad Cucusum, paruū oppidū olim ditioni gentis Cappadociæ subiectum, nunc autē Armeniæ minori adiunctum, relegandum curauit. At ne hac quidem Pauli in solitudine commoratione contenti erant rerum omnium perturbatores Ariani, Sed missis eō quibusdam suæ cruentæ voluntatis administris, eum violenta morte affecerunt. Quid etiam Diuus Athanasius in Apologia, quam pro suæ fugæ defensione conscripsit docet, his fere verbis. Ariani, vbi Paulum episcopum Constantinopolitanum persecuti, in oppido Cucuso Cappadociæ reperrunt, palam curauere strangulandum, Philippo præfecto, qui illorum hæreſeos præſes fuit, & perditorum consilio rum minister, carnifice ad eam rem vñi. Eiusmodi cædibus nobilitata est Ariana blasphemia. Nam talia scelera contra Dei famulos admissa, furori eorum aduersus vnigenitum Dei filium accenso pulchrè responderunt.

De Macedonio & hærefi ab eo introducta.

C A P . VI.

VB I autem Paulum hoc modo ad mortem, imò vero ad regnum cœlorum miserant, Macedonium in eius locum sufficiunt: quē quoniam pari ratione cum ipsis blasphemia contra spiritū sanctū usurpabat, suæ opinionis & doctrinæ fautorē existimarūt. Verūm nō ita multò post, istū quoq; de episcopat° illi⁹ gradu, ppter ea deiecerūt, quod quē facra scriptura filiū Dei nominat, creaturā vocare recusauit.

F F 2

Qua